

Broj: 04-1420-1545-225/18-ES/SA

Tuzla, 22.02.2019. godine

Na osnovu člana 70. stav (1), (2), (3) i (6) Zakona o javnim nabavkama ("Službeni glasnik BiH", broj: 39/14), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Preporuke Komisije broj: 04-1420-1545-224/18 od 22.02.2019. godine, donosi se

O D L U K A

o izboru najpovoljnijeg ponuđača

Član 1.

Za pružanje usluga hiperbarične oksigenoterapije (HBOT) za 2019. godinu, bira se ponuda ponuđača ZTC Banja Vrućica a.d. Teslić.

Član 2.

Nakon proteka Zakonom predviđenog roka, kao i dobijanjem saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora Ugovorni organ će pozvati izabranog ponuđača radi zaključenja Ugovora

Član 3.

Ova Odluka će biti objavljena na web stranici Zavoda zdravstvenog osiguranja Tuzlanskog kantona istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Član 4.

Ugovorni organ će istovremeno sa slanjem Odluke o izboru izabranom ponuđaču, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

Član 5.

Ova Odluka dostavlja se svim ponuđačima koji su učestvovali u Javnom pozivu za dostavu ponuda za realizaciju Programa dijela bolničke zdravstvene zaštite iz obaveznog zdravstvenog osiguranja za područje Tuzlanskog kantona za 2019. godinu, u skladu sa članom 71. stav (2) Zakona o javnim nabavkama.

Član 6.

Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14), člana 7. stav (3) i (4) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama ("Službeni glasnik BiH", broj: 66/16), objavljen je Javni poziv za dostavu ponuda za realizaciju usluga hiperbarične oksigenoterapije (HBOT) za 2019. godinu (u daljem tekstu: Javni poziv).

Rješenjem direktora Zavoda zdravstvenog osiguranja Tuzlanskog kantona, broj: 04-1420-1545-182/18 od 11.01.2019. godine, imenovana je Komisija za provođenje postupka dodjele ugovora za pružanje zdravstvenih usluga za realizaciju dijagnostičkih pretraga u dijelu oftalmologije u 2019. godini (u daljem tekstu: Komisija).

Do roka utvrđenog Javnim pozivom, ponude su dostavljene od strane sljedećih ponuđača:

- PZU Poliklinika Medical Irac Tuzla i
- ZTC Banja Vrućica a.d. Teslić.

Nakon pregleda i ocjene dostavljenih ponuda utvrđeno je da su formalno pravno ispravne i kao takve imaju pravo na dalje učestvovanje u predmetnom postupku.

Pregovori su zakazani dana 25.01.2019. godine u 12:30 sati sa ponuđačem PZU Poliklinika Medical Irac Tuzla, a u 13:00 sati sa ponuđačem ZTC Banja Vrućica a.d. Teslić.

Nakon provedenih pregovora sačinjen je Zapisnik o pregovorima broj: 04-1420-1545-204/18 od 25.01.2019. godine, koji sadrži sve elemente oko provođenja pregovora kao i donesenih zaključaka.

Nakon pregleda ponuda i provedenih pregovora utvrđeno je sljedeće:

- ponuđač PZU Poliklinika Medical Irac Tuzla je ponudio pružanje usluga hiperbarične oksigenoterapije po cijeni od 110 KM uz spremnost korekcije cijene;
- ponuđač ZTC Banja Vrućica a.d. Teslić je ponudio pružanje usluga hiperbarične oksigenoterapije po cijeni od 105 KM uz spremnost korekcije cijene, s tim da je u cijenu usluge uključen BO dan sa punim pansionom, specijalistički pregledi, previjanje, terapija i sl. Ponuđač je dostavio akt broj: 401/2019 od 28.01.2019. godine u kojem je navedeno šta usluga na bazi bolničkog dana sadrži. Navedeni akt se nalazi u prilogu ove Preporuke.

Kako je utvrđeno da postoji značajna razlika između ponuda, odnosno ponuda ponuđača PZU Poliklinika Medical Irac Tuzla obuhvata samo uslugu hiperbarične terapije, dok ponuda ponuđača ZTC Banja Vrućica a.d. Teslić uključuje BO dan sa punim pansionom za približno jednaku cijenu, Komisija je dana 28.01.2019. godine, ponuđaču ZTC Banja Vrućica a.d. Teslić dostavila akt broj: 04-1420-1545-205/18 u kojem je traženo da se ponuđač izjasni odnosno da dostavi ponudu/cijenu samo za usluge hiperbarične oksigenoterapije bez smještaja i ostalih tretmana kako bi se obezbijedila uporedivost ponuda.

Ponuđač ZTC Banja Vrućica a.d. Teslić je dana 08.02.2019. godine, dostavio traženo, u kojem se izjašnjava da je cijena usluge hiperbarične oksigenoterapije 55,00 KM.

Komisija je ponuđaču Poliklinika Medical Irac Tuzla dostavila Obavještenje o ponuđenoj cijeni ponuđača ZTC Banja Vrućica a.d. Teslić, te je zahtjevano od ponuđača Poliklinika Medical Irac Tuzla da se izjasni o mogućnosti prihvatanja pružanja usluga po najnižoj ponuđenoj cijeni.

Ponuđač Poliklinika Medical Irac Tuzla je dana 20.02.2019. godine dostavio Izjašnjenje u kojem navodi da ne prihvata da usluge pruža po gore navednoj najnižoj ponuđenoj cijeni.

Komisija je aktom broj: 04-1420-1545-224/18 od 22.02.2019. godine, dala preporuku da se donese Odluka o izboru kojom će se ugovor za realizaciju usluga hiperbarične oksigenoterapije (HBOT) za 2019. godinu, dodijeliti ponuđaču ZTC Banja Vrućica a.d. Teslić, koji je ponudio najnižu cijenu pružanja usluga, u iznosu od 55,00 KM.

S obzirom na sve navedeno, odlučeno je kao u dispozitivu ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 10 dana, u skladu sa članom 101. stav 4., tačka a) Zakona o javnim nabavkama ("Službeni glasnik BiH", broj:39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostavljeno:

1. Ponuđačima (s povratnicom)
2. Sektoru za planiranje i praćenje ugovora
3. a/a



Handwritten signature in blue ink.

